

Bual Bicara Mufti Sabah di UMSKAL

48 18-6-2014 B2

PEJABAT Pengarah dan Bahagian Hal Ehwal Islam Universiti Malaysia Sabah, Kampus Antarabangsa Labuan (UMSKAL) telah menganjurkan Program Bual Bicara bersama Sahibul Samah Mufti Kerajaan Negeri Sabah Ustaz Aziz@Bungsu Jaafar, baru-baru ini.

Program yang berlangsung di Podium B, Bangunan Menara UMSKAL itu dihadiri kira-kira 70 orang yang terdiri daripada mahasiswa dan mahasiswi universiti itu.

Turut hadir Pengarah UMSKAL Prof Madya Dr Ismail Ali, wakil Dekan Fakulti Komputeran dan Informatik Soffri Yusoff dan Pegawai Hal Ehwal Islam, UMS Kampus Antarabangsa Labuan Ustaz Junaidi Kepli.

Hadir sama Pengetua Kolej Alpha Mohamad Sarwar E Alam, Pengetua Kolej Beta dan Mutiara Nona Masnie, kakitangan, Felo, Majlis Perwakilan Pelajar (MPP), dan Jawatankuasa Kebajikan Mahasiswa (Jakmas).

Menurut Ismail, objektif program itu ialah untuk memberi motivasi kepada pelajar sebelum



ISMAIL (dua kiri) menyampaikan cenderamata kepada Bungsu selepas menghadiri program Bual Bicara di UMS Labuan.

menghadapi peperiksaan akhir semester.

Beliau yakin program yang bermula jam 8 malam itu banyak memberi manfaat kepada mahasiswa dan warga universiti amnya.

Sementara itu, Bungsu mengingatkan para mahasiswa akan kepentingan menuntut ilmu

dalam Islam.

Beliau juga mengingatkan mereka pentingnya menseimbangkan urusan dunia dan akhirat atau Wasatiyyah.

“Mahasiswa perlu mendahulukan perkara yang menjadi keutamaan iaitu menuntut ilmu kerana ia adalah tuntutan dalam jihad sebagai seorang

muslim,” katanya.

Bungsu turut mengajak para hadirin untuk muhasabah diri dan mempertingkatkan amal ibadah dalam kehidupan seharian.

Pada program itu juga, mahasiswa berpeluang bertanyakan isu-isu semasa seperti isu coklat Cadbury dan lain-lain.